



Broj: 01-50-1-15-20/08.
Sarajevo, 16. januara 2008.godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET. **O b a v j e š t e n j e**

Na 20. sjednici, održanoj 16. januara 2008. godine, Predstavnički dom Parlamentarne skupštine BiH, pored ostalih, razmatrao je i materijale koji su u nadležnosti Doma naroda, kako slijedi:

1. Prijedlog zakona o sportu u Bosni i Hercegovini (drugo čitanje);
2. Prijedlog zakona o vinu, rakiji i drugim proizvodima od grožđa i vina (drugo čitanje);
3. Prijedlog zakona o osnivanju Zavoda za izvršenje krivičnih sankcija, pritvora i drugih mjera (drugo čitanje);
4. Prijedlog zakona o izmjenama i dopunama Zakona o putnim ispravama BiH (drugo čitanje);
5. Prijedlog zakona o izmjenama i dopunama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u opearacijama podrške miru i drugim aktivnostima u inozemstvu (prvo čitanje);
6. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine (prvo čitanje);
7. Prijedlog zakona o izmjeni Zakona o odlikovanjima Bosne i Hercegovine (prvo čitanje);
8. Prijedlog zakona o denacionalizaciji (prvo čitanje);
9. Rasprava o temi: Vijeće Evrope i njegove aktivnosti (osnova za raspravu je Izvještaj o radu Delegacije Parlamentarne skupštine BiH u Parlamentarnoj skupštini Vijeća Evrope u 2007. godini);
10. Informacija o izdatim dozvolama za promet oružja, vojne opreme i proizvoda dvojne namjene u 2006. godini;
11. Prijedlog za imenovanje članova međuparlamentarnih grupa prijateljstva (predlagач:
Komisija za vanjske poslove Predstavničkog doma);
12. Davanje saglasnosti za ratifikaciju Sporazuma između Vijeća ministara BiH i Vlade Islamske Republike Pakistan o osnivanju Bosanskohercegovačko-pakistanske ekonomske komisije.

Ad. 1.

Zakon o sportu u Bosni i Hercegovini usvojen je u Predstavničkom domu sa sljedećim amandmanima:

AMANDMAN 1.

U članu 4. stav (1) iza riječi : „sportu“ dodaju se riječi: „Evropskoj konvenciji o zaštiti ljudskih prava i osnovnih sloboda“, a ostali dio teksta ostaje nepromijenjen.

AMANDMAN 2.

U članu 8. stav (1) na kraju teksta briše se interpunkcijski znak, otvara se zagrada i dodaju riječi: „u dalnjem tekstu: Strategija“.

AMANDMAN 3.

U članu 9. u stavu (1) tačka d) mijenja se i glasi: „okvirni kriteriji za vrednovanje programa i njihovog finansiranja u sportu“.

U članu 9. tačka e) mijenja se i glasi:

„e) nosioci razvoja i mjere kontrole njegove realizacije“.

AMANDMAN 4.

Iza člana 11. dodaju se novi članovi 11a. i 11b., koji glase:

„Član 11a.

(Nadležnosti Vijeća za sport BiH)

- (1) Vijeće za sport BiH (u dalnjem tekstu: Vijeće) najviše je savjetodavno tijelo Ministarstva civilnih poslova BiH koje se brine za razvoj i kvalitet sporta na nivou BiH.
- (2) Vijeće je nadležno da:
 - 1) daje mišljenje o Strategiji razvoja sporta BiH;
 - 2) daje mišljenje o Programu razvoja sporta;
 - 3) daje mišljenje o godišnjim planovima i finansijskim potrebama sporta;
 - 4) raspravlja o pitanjima značajnim za sport te predlaže i potiče donošenje mjera za unapređenje sporta;
 - 5) predlaže prioritetne projekte; elaborate i studije za njihovo finansiranje u sistemu javnih potreba u sportu;
 - 6) predlaže smjernice za izradu propisa o kategorizaciji sportista;
 - 7) daje mišljenja i preporuke za nacrte i prijedloge propisa koji se odnose na sport;
 - 8) obavlja i druge poslove utvrđene ovim zakonom i drugim propisima.“

„Član 11b.

(Imenovanje i sastav Vijeća za sport BiH)

- (1) Vijeće ima 17 članova koje imenuje Vijeće ministara BiH, na prijedlog ministra civilnih poslova BiH, i to: predsjednika, dva potpredsjednika i 14 članova, a koji se biraju između istaknutih sportista i sportskih radnika.
- (2) Članove Vijeća predlažu: Ministarstvo za civilne poslove sedam članova, Olimpijski komitet BiH tri člana, po tri člana iz entiteta u konsultaciji s entitetskim i kantonalnim ministarstvima nadležnim za sport i Brčko Distrikt jednog člana.
- (3) Vijeće se imenuje na period od četiri godine (olimpijski ciklus).
- (4) Za svoj rad Vijeće je odgovorno Vijeću ministara BiH kojem najmanje dva puta godišnje podnosi izvještaj o svom radu.
- (5) Vijeće jednom godišnje podnosi izvještaj o svom radu Parlamentarnoj skupštini BiH.
- (6) Administrativne poslove za Vijeće obavlja Ministarstvo civilnih poslova BiH.
- (7) Vijeće donosi poslovnik o radu na koji saglasnost daje ministar civilnih poslova BiH.“

AMANDMAN 5.

U članu 12. iza riječi: „Zakonom o udruženjima i fondacijama BiH“ dodaju se riječi: „ i Zakonom o udruženjima i fondacijama entiteta“, a ostali dio teksta ostaje nepromijenjen.

AMANDMAN 6.

U članu 16. iza riječi: „Zakonom o udruženjima i fondacijama BiH“ dodaju se riječi : „ i Zakonom o udruženjima i fondacijama entiteta“.

AMANDMAN 7.

U članu 20. u stavu (3) na kraju teksta dodaju se riječi: „ u slučaju spora između entitetskih sportskih saveza, odluku o tome donosi Vijeće ministara BiH.“

Poslije stava (3) dodaju se novi stavovi (4) i (5) koji glase:

„(4) Sjedište sportskih saveza BiH određuje se na osnovu razvijenosti pojedinog sporta, tradicije, masovnosti i kvaliteta određene sportske grane“.

„(5) Ako zbog nerazvijenosti sporta ne postoji organiziran sportski savez na nivou jednog entiteta, registracija saveza na nivou BiH za taj sport izvršit će se uz saglasnost Ministarstva civilnih poslova BiH, a do ispunjenja uslova iz stava (3) ovog člana.“

AMANDMAN 8.

U članu 21. tačka e) briše se. Ranija tačka f) postaje tačka e).

AMANDMAN 9.

Član 23. mijenja se i glasi:

„Olimpijski komitet Bosne i Hercegovine osnivaju sportski savezi olimpijskih sportova Bosne i Hercegovine, vrhunski sportisti, stručnjaci i sportski radnici a u skladu s odredbama Olimpijske povelje.

AMANDMAN 10.

U članu 24. u stavu (1) na kraju teksta briše se interpunkcijski znak i dodaje se tekst:

„Uz ravnopravnu zastupljenost iz konstitutivnih naroda“.

AMANDMAN 11.

U članu 29. stav (1) iza riječi: „Zakonom o udruženjima i fondacijama BiH“ dodaju se riječi: „ i Zakonom o udruženjima i fondacijama entiteta“ a ostali dio teksta briše se.

AMANDMAN 12.

U članu 33. u stavu (3), riječi : „odlukom Vijeća ministara“ brišu se.

AMANDMAN 13.

U članu 39. u stavu (2) iza riječi „donosi“ dodaju se riječi: „ Vijeće ministara BiH na prijedlog ministra civilnih poslova BiH“.

AMANDMAN 14.

U članu 46. riječi: „ministra za sport“ zamjenjuju se riječima: „ ministarstva iz oblasti sporta“ a ostali dio teksta ostaje nepromijenjen.

AMANDMAN 15.

U članu 56. u stavu (1) iza riječi: „Bosna i Hercegovina“ dodaju se riječi: „i entiteti su dužni“.

AMANDMAN 16.

Nakon člana 66. dodaje se novi član 66a., koji glasi:

„Član 66a.

(Državna nagrada za sport)

Za izuzetan doprinos u razvoju sporta i afirmaciju BiH utvrdit će se državna nagrada za sport. Vijeće ministara BiH će, na prijedlog Ministarstva civilnih poslova BiH, donijeti odluku o ustanovljenju državne nagrade za sport kao i kriterije za njenu dodjelu.“

AMANDMAN 17.

U članu 68. u stavu (1) tekst tačke d) mijenja se i glasi:

„ako organizira sportsko takmičenje i sportsku priredbu u Bosni i Hercegovini a ne ispunjava uslove iz člana 50. ovog zakona“.

AMANDMAN 18.

Član 69. mijenja se i glasi:

(1) „ Danom stupanja na snagu ovog zakona prestaje da važi Zakon o fizičkoj kulturi Bosne i Hercegovine („Službeni list SRBiH“, br. 24/91) te time i Zavod za fizičku kulturu BiH, a imovina Zavoda prelazi u svojinu Bosne i Hercegovine.“

- (2) Posebna komisija Ministarstva civilnih poslova BiH utvrdit će stanje obaveza i završni račun Zavoda, popis imovine i obaveza prema zaposlenim.

AMANDMAN 19.

Nakon člana 69. dodaje se novi član 69a. koji glasi:

„Član 69a.
(Kontinuitet sportskih organizacija)

Olimpijski komitet Bosne i Hercegovine i sportski savezi na nivou BiH, koji su djelovali do donošenja ovog zakona, nastavljaju svoj rad i djelovanje s tim što su u roku od šest mjeseci od dana stupanja na snagu ovog zakona dužni reorganizirati i uskladiti svoje normativne akte s odredbama ovog zakona“.

Ad. 2.

Zakon o vinu, rakiji i drugim proizvodima od grožđa i vina usvojen je sa sljedećim amandmanima:

AMANDMAN 1.

„U članu 8. stav (2) iza riječi „Ministarstvo“ dodaju se riječi: „u saradnji s nadležnim organima entiteta i Brčko Distrikta BiH“.

AMANDMAN 2.

U članu 8. stav (3) briše se.

AMANDMAN 3.

U članu 11. stav (1) riječ „podsticajne“ zamjenjuje se riječju „razvojne“.

AMANDMAN 4.

U članu 11. stav (1) riječi: „obavlja institucija ovlaštena“ zamjenjuje se riječima: „obavljaju institucije ovlaštene“.

AMANDMAN 5.

U članu 14. stav (6) riječi: „ovlaštena institucija“ zamjenjuju se riječju „ministarstvo“.

AMANDMAN 6.

U članu 50. stav (1) riječi: „ovlaštena institucija“ zamjenjuje se riječima: „ovlaštene institucije“.

AMANDMAN 7.

U članu 67. stav (2) riječ „organizacija“ zamjenjuje se riječju „institucija“; riječi: „geografskog porijekla“ zamjenjuju se riječima: „geografsko porijeklo“.

AMANDMAN 8.

U članu 70. stav (1) tačka b) riječ „cijenama“ zamjenjuje se riječima: „naknadama troškova“

AMANDMAN 9.

U članu 71. stav (1) mijenja se i glasi: „Službene kontrole i inspekcijski nadzor provode se u skladu s važećim zakonskim propisima“.

AMANDMAN 10.

U članu 71. stav (2) ispred riječi „nadzor“ dodaje se riječ „inspekcijski“.

AMANDMAN 11.

Član 74. briše se.

AMANDMAN 12.

Član 92. briše se.

AMANDMAN 13.

U članu 93. stav (1) tačke: a), b), c), d), f), g), h), j), k), l), m), o), i q) brišu se.

Ad. 3.

Prijedlog zakona o osnivanju Zavoda za izvršenje krivičnih sankcija, pritvora i drugih mjera usvojen je u drugom čitanju s amandmanima kako slijedi:

AMANDMAN 1.

U članu 1. iza riječi „mjera“ dodaju se riječi: „koje izrekne Sud“, a ostatak teksta ostaje nepromijenjen.

AMANDMAN 2.

U članu 8. iza stava (1) dodaje se stav (2) koji glasi:

„U svom prijedlogu Ministarstvo pravde BiH osigurat će po jednog predstavnika kojeg predlože entitetska ministarstva pravde“.

Dosadašnji stavovi (2) i (3) postaju stavovi (3) i (4).

AMANDMAN 3.

U članu 9. iza stava (1) dodaje se stav (2) koji glasi:

„U svom prijedlogu Minsitarstvo pravde BiH osigurat će po jednog predstavnika kojeg predlože entitetska ministarstva pravde“.

Dosadašnji stavovi (2), (3), (4) i (5) postaju stavovi (3), (4), (5) i (6)

Ad. 4.

Zakon o izmjenama i dopunama Zakona o putnim ispravama BiH usvojen je s amandmanima kako slijedi:

AMANDMAN 1.

Član 21. mijenja se i glasi:

„Putne isprave predviđene ovim zakonom izdaju se s rokom važenja od pet godina, a licima koja nisu navršila sedam godina život s rokom važenja od tri godine, osim putne isprave za izbjeglice, koja se izdaje s rokom važenja od dvije godine, te putnog lista za državljane BiH i putnog lista za strance koji se izdaju s rokom važenja od 30 dana“.

AMANDMAN 2.

U članu 22. briše se druga rečenica koja glasi: „Zakon će se početi primjenjivati po sticanju tehničkih uslova, što će biti određeno posebnim aktom Ministarstva civilnih poslova.“

U istom članu dodaje se stav 2. koji glasi:

„Odredbe člana 7. ovog zakona počet će se primjenjivati po sticanju tehničkih uslova, što će biti određeno posebnim aktom Ministarstva civilnih poslova.“

Konstatirana je tehnička greška u tekstu Prijedloga zakona u članu 14. gdje umjesto riječi: „Član 19.“ treba da стоји: „Član 19b.“. Uz saglasnost predлагаča, na nadležnoj komisiji zaključeno je da se skraćenica „MCP“ u cijelom tekstu Zakona zamijeni riječima: „Ministarstvo civilnih poslova.“

Ad. 5., 6. i 7. i

U prvom čitanju Predstavnički dom usvojio je:

- Prijedlog zakona o izmjenama i dopunama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu;
- Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine; i
- Prijedlog zakona o izmjeni Zakona o odlikovanjima Bosne i Hercegovine.

Ad. 8.

Predstavnički dom usvojio je u prvom čitanju Prijedlog zakona o denacionalizaciji, uz podršku nadležnoj komisiji da organizira javnu raspravu.

Ad. 9.

U okviru tačke dnevnog reda: Rasprava o temi: Vijeće Evrope i njegove aktivnosti (osnova za raspravu je bio Izvještaj o radu Delegacije Parlamentarne skupštine BiH u Parlamentarnoj skupštini Vijeća Evrope u 2007. godini), Predstavnički dom usvojio je sljedeće zaključke:

1. Najmanje jednom godišnje, u Parlamentarnoj skupštini BiH bit će organizirana rasprava o radu Parlamentarne skupštine Vijeća Evrope, što je obaveza po Rezoluciji 1575. Parlamentarne skupštine Vijeća Evrope.
2. Pred svako zasjedanje Parlamentarne skupštine Vijeća Evrope (četiri puta godišnje), kolegijima oba doma bit će dostavljen prijedlog dnevnog reda kako bi, u slučaju potrebe, inicirali aktivnosti (raspravu) u Parlamentarnoj skupštini BiH.
3. Nakon svakog zasjedanja Parlamentarne skupštine Vijeća Evrope, svim članovima Parlamentarne skupštine BiH bit će dostavljen izvještaj o radu Delegacije.

Ad . 10.

Dom je primio k znanju Informaciju o izdatim dozvolama za promet oružja, vojne opreme i proizvoda dvojne namjene u 2006. godini.

Ad. 11.

Predstavnički dom imenovao je članove međuparlamentarnih grupa prijateljstva, u sastavu koji je predložila Komisija za vanjske poslove Predstavničkog doma, koji vam u prilogu dostavljamo.

Ad. 12.

Dom je dao saglasnost za ratifikaciju Sporazuma između Vijeća ministara BiH i Vlade Islamske Republike Pakistan o osnivanju Bosanskohercegovačko-pakistanske ekonomske komisije.

Radi informiranja, obavještavam vas o sljedećem:

- Predstavnički dom je u prvom čitanju usvojio i Prijedlog zakona o izmjenama i dopunama Izbornog zakona BiH koji je izradila Interresorna radna grupa, a ulogu predлагаča formalno su preuzeli poslanici Šefik Džaferović, Niko Lozančić i Milorad Živković. Uz Prijedlog ovog zakona, Dom je usvojio i inicijative koje je dostavila Interresorna radna grupa (Podnesak od 13. 12. 2007.)

S poštovanjem,

**PREDSJEDAVAJUĆI
PREDSTAVNIČKOG DOMA
dr. Milorad Živković**